



JAVNO PREDUZEĆE ŽELJEZNICE FEDERACIJE BOSNE I HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Reg.br. 065-0-Reg-06-000614 od 28.12.2006. godine kod Općinskog suda u Sarajevu; Glavni račun: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; Računi za redovno poslovanje: KM 1549212001826340, DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO BANKA d.d. Bosna i Hercegovina; KM 1010000051807253, DEVIZNI-IBAN: BA39+1010000051807253, SWIFT:PBSCBA 22, kod PRIVREDNA BANKA SARAJEVO d.d. Sarajevo; KM 1990490075973745 kod SPARKASSE BANK d.d. Bosna i Hercegovina; KM 1020500000088171, DEVIZNI-IBAN:BA39+1020500000088171 SWIFT:UBKSBA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: UD-3009-1-10.1/2023

Datum: 31.01.2023.godine

Mjesto: Sarajevo

Na osnovu člana 69. stav (3) Zakona o javnim nabavkama ("Službeni glasnik BiH", broj: 39/14 i 59/22), člana 58. Statuta JP ŽFBiH d.o.o. Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12, 58/15, 24/17 i 68/22), člana 19. Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine JP ŽFBiH d.o.o. Sarajevo i Zapisnika o pregledu i ocjeni ponuda sa preporukom Komisije, broj: UD-21083-1-2/2022 od 12.01.2023. godine, Uprava Društva na 83. sjednici, održanoj dana 31.01.2023. godine donijela je

O D L U K U
o otkazivanju postupka javne nabavke

I

Otkazuje se postupak javne nabavke radova – Izrada projektne dokumentacije i izrada dva upojna bunara u Radionici MOP i TPM Blažuj, za potrebe JP ŽFBiH d.o.o. Sarajevo, tender broj: UD-21083-1/2022.

II

Postupak se otkazuje na osnovu člana 69. stav (3) Zakona o javnim nabavkama ("Službeni glasnik BiH" broj: 39/14 i 59/22), odnosno zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

III

Za realizaciju ove Odluke zadužuju se Ekonomski poslovi Društva - Sektor za nabavke i prodaju.

IV

Ova Odluka stupa na snagu danom donošenja.

O b r a z l o ž e n j e

Uprava Društva Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Odlukom broj: UD-20869-1-10.4./2022 od 07.10.2022. godine odobrila pokretanje postupka konkurentskog zahtjeva za dostavu ponuda za javnu nabavku radova – Izrada projektne dokumentacije i izrada dva upojna bunara u Radionici MOP i TPM Blažuj, za potrebe JP ŽFBiH d.o.o. Sarajevo, tender broj: UD-21083-1/2022.

Obavještenje o nabavci je objavljeno na Portalu javnih nabavki dana 17.11.2022. godine pod brojem: 1050-7-3-252-3-151/22.

Rješenjem Predsjednika Uprave - Generalnog direktora, broj: 4-21423-1/2022 od 12.10.2022. godine, imenovana je Komisija za nabavke (u daljem tekstu: Komisija) koja je provela predmetni postupak nabavke.

Na osnovu člana 63. Zakona o javnim nabavkama ("Službeni glasnik BiH", broj: 39/14 i 59/22) (u daljem tekstu: Zakon) Komisija je dana 30.11.2022. godine u 14:00 sati izvršila javno otvaranje ponuda. Do roka određenog za prijem ponuda dostavljena je 1 (jedna) ponuda, i to:

Ponuda ponuđača "SARAJ INŽENJERING" d.o.o. Sarajevo, koji je ponudio:
Cijenu: 25.500,00 KM bez PDV-a, odnosno 29.835,00 KM sa PDV-om,
Uslovi i način plaćanja: odloženo i žiralno,
Rok završetka radova: 28 radnih dana od potpisivanja ugovora.

Komisija je izvršila pregled i ocjenu pristigle ponude, te je u Zapisniku o pregledu i ocjeni ponuda sa preporukom broj: UD-21083-1-1/2022 od 09.12.2022. godine utvrdila da je ponuda ponuđača "SARAJ INŽENJERING" d.o.o. Sarajevo ocijenjena kao prihvatljiva, jer ponuda ispunjava sve uslove koji se traže tenderskom dokumentacijom, te je u istoj dostavljena sva tražena dokumentacija.

Komisija je u Zapisniku o pregledu i ocjeni ponuda sa preporukom broj: UD-21083-1-1/2022 od 09.12.2022. godine dala preporuku Upravi Društva za donošenje Odluke o izboru najpovoljnijeg ponuđača kojom se Ugovor za javnu nabavku radova – Izrada projektne dokumentacije i izrada dva upojna bunara u Radionici MOP i TPM Blažuj, za potrebe JP ŽFBiH d.o.o. Sarajevo, tender broj: UD-21083-1/2022, dodjeljuje ponuđaču "SARAJ INŽENJERING" d.o.o. Sarajevo, u ukupnom iznosu od 25.500,00 KM bez PDV-a, odnosno 29.835,00 KM sa PDV-om.

Uprava Društva je prihvatila preporuku Komisije i donijela Odluku o izboru najpovoljnijeg ponuđača, broj: UD-25754-1-11.3./2022 od 20.12.2022. godine.

Ponuđač "SARAJ INŽENJERING" d.o.o. Sarajevo nije dostavio ugovornom organu u roku od 5 (pet) dana od dana prijema Odluke o izboru najpovoljnijeg ponuđača traženu dokumentaciju koja se odnosi na član 45. i 47. Zakona, što je suprotno tačkama 2.2.7., 2.2.12 i 2.2.13. konkurentskog zahtjeva za dostavu ponuda.

Obzirom da ugovorni organ nije zaprimio više ponuda, Komisija je dala preporuku Upravi Društva za donošenje Odluke o otkazivanju postupka za javnu nabavku radova – Izrada projektne dokumentacije i izrada dva upojna bunara u Radionici MOP i TPM Blažuj, za potrebe JP ŽFBiH d.o.o. Sarajevo, tender broj: UD-21083-1/2022, na osnovu člana 69. stav (3) Zakona, odnosno zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Nakon provedenog postupka, te Zapisnika Komisije sa preporukom otkazivanja postupka javne nabavke, broj: UD-21083-1-2/2022 od 12.01.2023. godine, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba JP ŽFBiH d.o.o. Sarajevo, u roku od 10 (deset) dana od dana prijema iste, a u skladu sa članom 99. i 101. Zakona.

Dostaviti:

- Željeznička infrastruktura,
- Sektor za nabavke i prodaju/x2,
- Sektor plana, analize i raspoređivanja prihoda,
- Ponuđač,
- Uz Zapisnik,
- a/a.

Predsjednik Uprave – Generalni direktor
Enis Džafić, mr.ecc.

